


T 2816
3203

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
AUG. 22 1939



Harvard College Library Imaging Services <http://imaging.harvard.edu>

欽定平定臺灣紀畧卷六十四



六月朔八日

巳亥

上諭內閣曰知府楊廷理總兵丁朝雄俱得受海口
出入船戶陋規銀兩經軍機大臣等議覆發往新
疆及軍臺効力固屬罪所應得第念楊廷理所得
陋規係同知任內之事爲數無多且逆匪滋事之
初首先招集義民守城打仗保護無虞大兵進剿

時復帶領義民至軍營隨同打仗始終出力丁朝
雄在省聞逆匪滋事卽趕回臺灣督兵勦捕復進
攻南路收復東港以通運米來郡之路節次打仗
禦賊甚爲勇往出力楊廷理丁朝雄俱著加恩改
爲革職從寬留任八年無過方准開復其所得陋
規仍著楊廷理照數二十倍罰出丁朝雄照數十
倍罰出以示懲儆至擬發新疆之遊擊李隆守備

曾紹龍把總吳亮擬發軍臺之守備王天植或得
受海口船戶陋規或得受兵丁包差開賭錢文或
餽送柴大紀夫價及生日節禮俱有應得之罪但
李隆曾紹龍吳亮守禦府城外營盤復往南路追
勦賊匪均屬奮勉王天植于逆匪攻擾府城時悉
力堵禦並令伊子王陽春招集義民勦捕遇賊陣
亡情尤可憫李隆曾紹龍吳亮王天植亦俱著加

恩改爲革職從寬留任十年無過方准開復李隆
會紹龍所得陋規銀兩仍著查明按數追賠至總
兵陸廷柱叅將宋鼎俱屬大員陸廷柱雖在任未
久南澳又相距不遠而於宋大紀種種劣蹟並不
據實揭叅宋鼎於所屬千把總得受兵丁包差開
賭錢文毫無覺察罪有應得且未據福康安聲明
奏請可見該二員在軍營不過隨衆同行並無奮

勉出力之處陸廷柱宋鼎俱著降級調用朕於諸
臣功罪辦理務酌其平固不能因其功而宥其罪
亦不忍因其罪而沒其功總期斟酌歸于至當從
無畸輕畸重之見也

十月十三日

甲辰

上諭內閣曰博斌等隨福康安勦捕逆匪俱能奮勇
出力或於北口堵截擒殺匪衆或於南路搜拏首

逆各著勞績甚屬可嘉博斌阿木勒塔哲克翁果
爾海德楞泰薩克丹布塞凌額西津泰特爾敦徹
俱著加恩交該部查核伊等所得功牌酌予世職
又官兵直抵瑯嶠時烏什哈達帶領水師兵丁順
風連檣而至四面合圍水陸並進俾莊大田得以
卽時擒獲亦屬勇往可嘉且前在雲南打仗時甚
爲奮勉烏什哈達亦著一併交部查照功牌議給

世職

上又命軍機大臣傳諭福康安李侍堯徐嗣曾日前
因臺灣兵丁籍隸漳泉者居多今于分班輪換時
將漳泉兵丁分駐防守以便彼此互相糾察而他
府之兵與之錯處於撫綏防範俱有裨益嗣據福
康安奏已於挑補班兵時通盤佈置令漳泉及他
府兵丁易地駐守並安定章程交普吉保照此密

辦又據福康安等奏新添戍兵一千二百名于內地督提二標及福寧汀州各鎮標酌量抽撥將來臺灣之兵籍隸漳泉者較前漸少自更易于查察但恐日久廢弛不能遵照妥辦著責成每年前往巡查之將軍督撫提督等實力稽查勿任漳泉之土兵仍在原籍各村莊一帶防守聚處弊混滋事至福康安等所奏軍營餘剩鉛藥派營分貯之處所

辦均爲妥協卽照所奏辦理其礮筋一項旣查明上杭縣地方所產已敷各營軍火之用則臺灣淡水礮山自不必復行開採現經福康安等嚴行封禁但恐該處仍有私行偷採及官吏等庇縱透漏情事並責成巡查之將軍督撫等一體嚴查如有似此情弊卽行叅奏治罪又元克中馬騰蛟俱著准其送部引見著李侍堯卽將閩省是否尙需該

員等差遣之處據實具奏候朕臨期酌降諭旨

十六日

丁未

上命軍機大臣傳諭李世傑曰從前川省咽喉匪犯經大加懲治始行安靜畏法彼時查辦咽喉時並未聞該處有天地會名目然既有此供且指出係朱姓李姓所傳未可因年分久遠且無實在下落遂置之不問自宜一體嚴密查辦以絕根株但川

省自咽喉畏法後地方久經寧謐著李世傑查辦此案止宜不動聲色飭屬密加查訪如有踪跡卽行嚴拏務獲究辦但不可遍貼告示及派胥役人等到處搜訪俾胥役得藉端需索良民驚擾不安以致別生事端則是欲淨根株而又滋萌蘖也李世傑係曉事之人自能善體朕意嚴密留心

上又命軍機大臣傳諭李侍堯孫士毅曰前據福康

安拏獲嚴烟後訊據供出張姓綽號破臉狗並自
粵至閩傳會之趙明德等一面具奏一面飛咨閩
粵二省查拏嗣據李侍堯將張破臉狗拏獲供有
廣東大埔縣人趙明德陳丕陳棟三人亦飛咨孫
士毅嚴密查拏計此時孫士毅自早已接准福康
安李侍堯咨會且屢經降旨飭拏何以總未據奏
及且趙明德等三犯既經張破臉狗供出年貌住

址更無難按名緝捕著孫士毅即將趙明德等三
犯現在曾否就獲之處迅速具奏又嚴烟傳習天
地會據該犯供稱實得自陳彪並供陳彪四十八
年尙在漳州行醫又萬和尚俗名涂喜在廣東傳
教雖嚴烟堅供不知該二犯住址下落但所供必
非無因自必尙在閩粵一帶藏匿並著李侍堯孫
士毅再行飭屬妥密緝拏務獲奸民藉端煽惑聚

衆結盟原應徹底究辦但他方各官如果平日實力查辦何至邪教蔓延外省惡習往往無事之時卽因循玩悞姑息養奸及一經查究卽又奉行不善輒遍貼告示多派胥役到處搜查借端滋擾臺灣賊匪甫經平定內地及隣省一帶民情寧謐若復因查拏會匪或致滋擾生事更屬不成事體李侍堯孫士毅俱係曉事之人俱不動聲色嚴密查

拏先將首先傳會之人如趙明德陳丕陳棟陳彪涂喜者拏獲審明從重辦理其餘有犯必懲以期淨絕根株方爲妥善斷不可過事苛求跡涉張皇令胥役藉詞擾累別滋事端

十七日 戊申 孫士毅奏言接李侍堯咨拏獲天地

會內嚴烟供出之張破臉狗供有廣東人趙明德陳丕陳棟三人會到該犯家內勸令入會趙

明德係潮州府大埔縣人在東門外下寮鄉住
年約五十餘歲陳丕陳棟亦係大埔人俱約三
四十歲當卽派員前往大埔查拏並無下寮鄉
村名亦無趙姓烟戶惟保安甲有趙姓兄弟三
人出外十餘年未歸名字既不相同且與破臉
狗四十六八兩年仍回廣東之供亦不相合至
陳丕陳棟二犯徧查通縣城鄉各處亦實無其

人奏入

上命軍機大臣傳諭李侍堯圖薩布曰趙明德等三
犯前據張破臉狗在閩供出曾到伊家勸令入會
俱係大埔縣人且將趙明德住址供出自係實有
其人必非信口妄供者何以孫士毅派員查拏又
屬毫無踪跡非張破臉狗所供住址未確卽係該
地方官搜查未到所致著李侍堯卽派委從前承

金鑑卷之二十四
審之員將張破臉狗小心解赴廣東現在孫士毅
已另有旨令其前赴粵西查辦安南內訌之事著
卽將此案交與圖薩布令其將張破臉狗詳悉跟
究務將趙明德陳丕陳棟等犯實在下落究出嚴
拏務獲毋致要犯得以漏網如實無該犯等下落
亦卽將張破臉狗從前因何供出趙明德等犯及
該犯等現在何地藏匿之處詳悉訊明具奏

上又命軍機大臣傳諭福康安日前因臺灣總兵缺
出一時不得其人普吉保在彼帶兵勦賊尙爲奮
勉是以福康安奏請就近調用當經准行今臺灣
勦捕事宜雖已完竣而善後各事在在需人料理
且該處當柴大紀等貪黷營私之後諸務廢弛尤
資幹員整頓普吉保係白衣保之子游擢總兵使
之帶兵打仗尙能得力其于外省地方情形本未

諸習恐于海疆要缺人地不甚相宜計福康安於
五月二十五日由泉州起身此時諒已過浙著再
行酌量如普吉保竟能勝臺灣總兵之任自無庸
更調若普吉保不能勝任卽於此次帶兵各總兵
或素所深知之總兵內擇其才具堪以勝任者酌
選一員據實奏聞候朕降旨簡調又思兖州總兵
柯藩此人或可用福康安于過兖州留心看此人

首先起意糾約鳴鑼聚衆者尤爲罪首禍魁當
此立法嚴懲之際應請將械鬪殺人及起意糾
約者均照光棍例擬斬立決傷人之犯亦請從
重問擬發遣餘照械鬪本例問擬再臺灣搶案
最多不可不嚴加懲儆嗣後除聚至十人以上
及雖不滿十人但經執持器械倚強肆掠者爲
首之犯照糧船水手搶奪例以強盜律治罪爲

從各犯請發新疆給種地兵丁爲奴其搶奪人數在三人以下審有糾謀持械逞強情形及雖未逞強而數在三人以上者均請照回民搶奪例發極邊烟瘴充軍以上請定各例仍遵照案諭旨俟兩年後人知畏法再行酌請照舊辦理地方文武遇有械鬪搶奪案件據報不卽緝拏者照諱盜例革職如有增減改捏案情等弊仍卽嚴

要缺究屬人地未宜因思奎林前在伊犁所處人犯本係有罪之人其獲咎尙非貪職玩法難於原宥者可比且伊曾經委任久歷戎行人亦體面臺灣正當需人鎮撫整飭之際不妨棄瑕錄用所有臺灣鎮總兵員缺著加恩將奎林補授並著卽馳驛前往奎林當倍加感激朕恩力圖報効普吉保卽著留於福建遇有相當總兵缺出再行補授

上又命軍機大臣傳諭福康安曰昨因臺灣總兵員缺緊要因思奎林人尙體面且曾任都統將軍久歷戎行威名已著臺灣民風刁悍又值柴大紀會縱廢弛之後正藉其體面風勵方能整頓是現在簡用臺灣總兵朕思無有過於奎林者奎林係福康安之兄想福康安亦必不敢將伊保奏是以業經明降諭旨卽將奎林補放並令馳驛速赴新任

福康安現已起身前來熱河復命途次遇見奎林時可將臺灣地方情形及善後各事宜詳細向奎林告知令其到彼實力妥辦至水師提督員缺仍著福康安於哈當阿蘇靈及素所稔知之提督內酌量一員奏請對調再據德成奏梁朝桂才具亦屬中平打仗懦怯其於閩省提督能否勝任應否亦需簡調何人之處並著福康安一併據實覆奏

二十日辛亥永慶奏言派往臺灣協剿之杭州乍

浦駐防滿兵回至福建地方內有瑚圖靈阿等

五名欲雇轎乘坐恐中途擡夫脫逃不能行走

遂私自坐船至青龍灘地方遭風打壞船隻淹

斃人口奏入

上諭內閣曰滿漢兵丁遇有征調剿捕之事於車輛可通處所尙可准其更替合坐以省足力若遇山

路崎嶇車輛不能前進祇應將軍裝行李一切雇

人擡送本人卽當步行正可藉此習勞其或一水

之便船隻可通亦必須所調之兵普律下船方可

准其乘坐若中途私約數人各自下船已屬非是

何得復思雇轎乘坐如兵丁可以乘轎坐兜則所

調之兵一千卽須預備擡夫二千名况駐防兵丁

出征向俱帶有限役設跟役等亦用轎兜所需擡

夫又當再加一倍且滿兵既可用轎兜則綠營及屯練各兵又安能禁其不一體乘用兵貴習勞以不能登涉之兵尙望其衝險長驅破賊有是理乎此次臺灣剿捕賊匪檄調各省之兵不下五萬豈不竟需雇夫十萬以爲應付過兵之用有是理乎從前西北兩路以及大小金川用兵時從未聞有此事此必該省地方官違例應付以爲將來開銷

地步亦未必如數預備不過以備有轎夫一項事後即可借此多爲冒銷之計耳永慶交部嚴加議處並著李侍堯琅玕卽將該兵丁等過境時作何應付及因何備有兵丁等乘坐之轎是否地方官藉端開銷之處查明據實具奏至內地用兵口糧鹽菜以及運送糧餉火藥等項業定有軍需則例而兵丁等沿途行走於水陸地方如何給與舟車

及舟車不通之處除兵丁本身令其行走外其擡
運軍裝行李等項每兵幾名准給人夫幾名未經
列入此次閩省違例應付未必不因例無明文遂
思從中浮冒現在大功雖已告蕝但兵可百年不
用不可一日無備著戶兵二部卽詳悉妥議具奏
添入行兵事例

二十一日 壬午

命軍機大臣傳諭李侍堯曰昨據德成奏閩省械
鬪之風尤熾雖內地到處皆有不特臺灣爲然而
械鬪之案往往糾集匪衆先議出抵償之人許于
事後代爲養贍家口並設牌供獻以致貧民貪利
雖死不顧而奸徒恃有人代抵遂赴各村莊肆兇
攢毆傷斃多命甚至放火搶劫無所不爲及經到
官卽有私相議抵之人出頭承認旣非主謀又非

尚復成何事體閩省係海疆內地與臺灣均屬緊要著傳諭李侍堯務宜不時查察實力整頓如再有械鬪之案務飭究出主謀正兇並頂兇之犯一併盡法處治其地方官員有仍前掩匿諱飾者立即從嚴叅究並于奎林行抵泉州時詳細告知令其到彼加意妥辦俾械鬪之風永行斷絕方為妥

善

二十三日 甲寅

上諭內閣曰前因臺灣地方經柴大紀等貪縱廢弛之後百弊叢生特諭令福康安於剿捕完竣後將善後各事宜詳悉妥議具奏嗣據福康安等議定共十六條立法固已周密若該處文武員弁果能實力奉行原可永遠無弊但有治人無治法恐日久復視為具文或竟陽奉陰違則雖多立科條仍

屬空言無益在臺灣之文武各員務當敬謹遵循
力除積習以飭營伍而靖海疆至閩省民風刁悍
盜劫頻聞是以降旨凡遇該省海洋盜案應俟兩
年後盜風稍戢再照舊例分別聲請昨據德成奏
福建內地以及臺灣械鬪之風尤熾已有旨令李
侍堯當遇案嚴辦是此等愍不畏死之徒恐非一
二年卽能梭革所有閩省海洋盜案並械鬪之案

俱著照新例嚴辦俟三年之後如果有人知畏法該
督撫等再行奏聞照舊辦理以期辟以止辟昨因
臺灣總兵員缺緊要已將奎林補放朕之所以簡
用奎林者原令其前往實力整頓俾該處營務吏
治均有起色奎林行抵泉州李侍堯可卽將應辦
諸務詳悉轉傳令其到彼後恪遵妥辦毋負委任
至前降諭旨令于督撫將軍內每年輪派一員前

往臺灣巡查亦恐該鎮道等扶同徇隱故智復萌
有將軍督撫等前往層層稽察庶共知儆惕若該
處總兵皆如奎林之足資委用原不必又令督撫
等前往多此一番跋涉但奎林亦不能久在該處
設有陞調等事而接任者一時不能得人難保其
不至貽悞自應仍責成巡查之將軍督撫方爲周
密乃昨據德成奏不如但令將軍提督前往督撫

似可不必等語其意必以將軍提督與地方無統
轄之責前往臺灣尙不至有需索供應情事若督
撫前往則各州縣備辦供頓應酬及家人胥役需
索門包所費又復不貲卽如從前富勒渾縱容家
人殷士俊李世榮沿途任意勒索是其明証無怪
德成之有此奏朕令該督撫等前往巡查原爲稽
察奸弊起見若該督撫等復縱令家人長隨胥吏

等藉端需索是未受其益而先受其害更不成事
體著傳諭該督撫等嗣後於前往臺灣巡查時務
宜嚴禁從役等毋得有得受門包沿途需索等事
如有明知故縱及漫無覺察者或經科道叅奏或
經朕別有訪聞卽將該督撫加倍治罪决不寬貸
且不特臺灣爲然卽各省督撫于巡閱營伍查辦
災賑時均當自行雇備夫馬毋得絲毫擾累地方

朕聞向來各省督撫內惟李世傑書麟于出巡時
輕騎減從尙能不累地方各該督撫俱受朕重恩
養廉優厚何不以李世傑書麟爲則倣而必踵不
肖督撫等之覆轍乎况督撫之責在於察吏安民
凡通省之利弊屬員之賢否百所應知而其出巡
時所帶家人長隨尙不能查察又安望其剔除弊
竇管轄如許之官吏耶且不獨督撫爲然卽大臣

官員等奉差出外除應得廩給驛馬之外亦不應格外需索擾累地方嗣後凡屬奉差出外及督撫出差者俱應輕騎減從並嚴加約束毋任有違例騷擾之事若有縱令勒索毫無覺察者一經訪聞叅奏卽一併從重治罪斷不爲之寬貸

七月二十一日

辛巳

上諭內閣曰柴大紀任臺灣總兵任內任意廢弛營

伍縱容兵丁等在外貿易并婪索夫價及海口船隻陋規生日節禮得銀拔補外委等欸贓私累萬盈千迨賊匪竊發並不卽時帶兵親往撲滅復托詞回城調兵遷延時日以致釀成賊勢及收復嘉義縣城時又不併力追剿與賊以暇致賊人復得佔據斗六門大里杙等處修築抵禦種種遺悞軍機經福康安等定擬斬決解京辦理朕以柴大紀

情罪重大本應立正典刑其在嘉義奏稱不忍以
十數萬生靈委之賊手情愿固守之處雖查係義
兵不肯放出皆屬謊詞朕究念其尙有守城微勞
欲俟解到復訊後加恩從寬末減改爲監候茲據
福建委員將柴大紀解到令軍機大臣會同大學
士九卿覆訊柴大紀復思狡展翻供抵賴並供稱
德成前在臺灣連日審訊義民誘令如將柴大紀
贓罪指出必有重賞如不實說卽行治罪等語朕
命將節次申諭福康安諭旨令其閱看並經朕親
行廷訊始俯首無辭而于認罪之下仍思狡飾柴
大紀一案朕專交福康安徐嗣曾審辦德成不過
係派往勘估該處城工並無審事之責與伊何涉
妄行攀指柴大紀之意不過因此事係德成前在
浙省有所風聞到京因朕詢問據實奏明始行查

辦遂心懷忿恨欲乘機將德成扳陷伊或可希冀
脫罪奸巧之極甚屬可惡柴大紀竟係天奪其魄
自行取死豈可復從寬典柴大紀著照所擬卽行
處斬以爲辜恩昧良狡詐退縮者戒
上又諭內閣曰福建按察使員缺著萬鍾傑補授萬
鍾傑現在臺灣該處甫經平定一切善後事宜正
須人料理著仍留臺灣道員之任將地方諸務與

奎林實力整頓其按察使印務著李侍堯等揀選
妥協道員奏明署理俟二三年後萬鍾傑在彼辦
理諸務大有起色該督等再行酌量請旨候朕簡
放臺灣道有人再令萬鍾傑赴臬司之任

八月初十日

巳亥

徐嗣曾奏言逆犯大半係羅漢

脚匪類流寓在臺現按照籍貫密咨內地查其
財產親屬務期毋稍疎縱又臺灣吏治廢弛不

能早行覺察咎實難辭請革職開缺奏入
上命軍機大臣傳諭李侍堯徐嗣曾曰此等逆犯財
產其在臺灣地方者自應詳晰查明盡數入官以
備撥給戍兵之需至各犯在內地所置田產不必
槩行入官所有此項內地叛產著於各該犯族衆
均勻分賞以示格外施恩而杜爭競並諭伊等此
係特旨加恩嗣後倍當安分守法勉爲良善並著

李侍堯接奉此旨先於漳泉一帶遍行曉諭使知
感激前因臺灣吏治廢弛徐嗣曾於屬員收受陋
規不能及早察覺又不自請處分是以降旨飭詢
但徐嗣曾於辦理善後各事宜及清查叛產查緝
諸犯屬等事尙能周到伊所請革職開缺之處著加
恩寬免徐嗣曾益當倍加感激諸事悉心經理實
力整頓以期毋負朕矜全委任至意

九月二十六日甲申徐嗣曾奏言臺灣內山各社

生番番目等子八月上旬陸續到郡正值

萬壽慶節卽令衆生番隨班鞠躬跪該番目等無不以

馴令進京爲非常榮幸臣就其所好賞給布疋

賦鹽茶等令其散播各社將家屬妥爲安頓趕緊

製棉衣行李等件以資安渡遠行查臺灣南北

李中三路均有番社此次到京者北路則屋鰲等

社中路則阿里山等九社大武壠等六社南

路則傀儡山等八社共計生番頭目四名番目

二十六名通事四名社丁八名尙委在臺辦事

之福州同知楊紹裘帶同熟悉番情之義民首

張維光葉培英王松沿途護送進京義民首曾

中立黃奠邦等同日起程一體照料均于八月

二十八日自鹿耳門登舟候風開駕並將該生

番等居宿飲食所宜及一切行走章程各會督

臣飭知經過各地方妥為預備以利進行計算

十二月十五日以前總可趕赴抵京奏入報會

聞

文詠撰詞映懋歸奏帶同熟悉番語之義民首
二十六各處軍四各旅亦入各處委委五臺辦事
副領副副由等入蘇共指坐番題目四各番目

欽定平定臺灣紀畧卷六十四

欽定平定臺灣紀畧卷六十五

十月十二日庚子徐嗣曾奏言因查辦叛產犯屬

檢齊將軍叅贊提鎮及各地地方官先後拏獲匪

犯凡奏明詳報有案者計一千五百餘名開列

名單發交該地方官等核對辦理據署嘉義縣

張森稟稱柴大紀所奏正法及戮屍各犯內有

許懷等三十五名尚在訪係柴大紀誤拏經前

任知縣陳良翼審屬良民據保釋放復扶同捏
報等語查許懷等既經審非賊夥取保釋放何
以柴大紀竟奏稱正法戮屍陳良翼復又聽從
捏報其舛錯荒謬實出情理之外隨親赴嘉義
查辦許懷等三十五名內已經該縣張森傳喚
到案者九名臣抵境後自行投到者十五名逐
次嚴訊許懷等供稱上年正二月內嘉邑甫經

收復或因官兵初到出城迎看或因遷避他處
回至縣城探視途中誤被捉拏並有肩挑販賣
及在店生理遇不肖之兵丁義民強買搶取與
之較論轉被誣拏者實無從賊情跡訊之原保
人等堅稱當日縣城初復緝匪務嚴如城內遇
有賊犯我等正要擒獻究治豈肯轉爲容隱惟
因稔知許懷等實係良民方敢出結等語伏思

縣城當甫復之時正嚴緝餘匪之際兵丁義民等見有形迹可疑者從而掩捕甚至貪功妄報挾嫌誣拏皆所不免茲

臣

甫抵嘉義所有案內

應訊多人不待查拏俱各自行投到察其詞色確非附賊情虛者可以詭托且其內有張海已年逾八十翁送來年甫十五素患瘋病之陳應避難流離之番婦留娘其衰弱疲癯勢難從賊

更可一望而知而原保人等或身列衣衿或會

充義民以及舖戶耆老俱以數人而保一人且

於

臣

審訊時原保之外更有出具保狀情愿質

証者數十餘人俱皆衆口同聲以許懷等前被誤拏若非陳知縣審釋必皆死於非命環訴瀝陳情詞迫切是許懷等三十五名委係平民並非賊黨實屬可信隨訊據陳良翼供上年柴大

紀克復嘉義之後凡遇官兵義民有報獲之犯
不論在何處拏獲卽以臨陣生擒賊夥若干名
遽行入奏一面發縣取供錄報先後共有二百
餘名除訊明實係匪黨俱經正法外其許懷等
三十五名實係被人誤拏向柴大紀回明省釋
柴大紀以事已具奏並經咨報各處必欲按名
正法我又率教諭江浩巡檢邵宗堯前往力爭

並告以民心初定若再駢戮無辜恐致激變等
言痛切指陳柴大紀云業已奏明拏獲匪犯萬
難更改爾若要開釋必須照依原奏通報立案
我就不管否則必要將伊等正法等語誠恐再
與違拗必至將許懷等提到軍營處決所以就
旨照他錄供通報始將許懷等釋放等語是柴大
紀於此案貪功混報迴護朦朧實屬辜負

聖恩玩視民命除柴大紀現已請
旨卽行正法外查陳良翼率衆守城於柴大紀已經
奏報之匪犯訊明實係良民力爭釋放不致枉
戮多命現據案內各士民等翕然同辭尚以陳
良翼能保全無辜感激流涕出於至誠設使陳
良翼並無捏報一節於此案不但無罪而且有
功乃以已經保釋之民人仍作爲正法戮屍之

匪犯扶同柴大紀混行通報又不及早據實稟
明至此時查辦緣坐始行情急呈稟實屬昏憤
背謬事關軍務未便以柴大紀奏報在前稍寬
其罪陳良翼應擬斬監候再查叛產犯屬必以
正犯之名姓爲憑其正犯之名姓當以奏案爲
根據乃現經查出柴大紀奏案內許懷等委係
良民並非正犯卽應於匪犯名單內扣除凡從

聖因前單內所開均須詳慎稽核且賊匪狡獪百出
 百恐尚有詭托假名及一人而有數名一名而有
 數人者至如臨陣殲戮之賊全無名姓可考但
 此等敢於出陣抗拒之犯最為凶惡未便以姓
 名未著轉滋縱漏臣飭諭各屬於履勘所到遇
 有田園荒蕪無人收管者向莊耆地保人等細
 加訪察如係賊人之產槩行標記入官即可根

究姓名緝拏犯屬如此四面搜訪務使名單之
 內不致有舛誤株連名單之外不致有倖逃疎
 漏以期爾無枉縱現奉旨一萬餘緡其緡匪亦

諭旨各犯在內地所置田產不必槩行入官著於各
 該犯族眾均勻分賞該犯等族眾益當激發天
 良安分為善臣實不勝悚頌欽服查內地叛產
 必先就臺灣查明各該犯籍貫住址及有無親

屬財產彙齊開列名單密咨本籍查辦以免紛

擾而防隱匿臣現飭該地方官及委員等按名

詳細訪查核實辦理不得以遠咨內地了事致

備旨啟草率諉卸之弊各屬稟報已獲犯屬共有三

百餘名已查出叛產共有一萬餘畝其解到犯

屬臣俱面加詳審以防訛混現已起解男婦計

六十餘名年未及歲之男犯計三十餘名其餘

再陸續審明起解仍嚴飭將未經查獲之拔產

犯屬趕緊妥辦彙冊具報再護臺灣道楊廷理

在嘉義平埔山邊將黃天養拏獲委軍需局員

錢受椿審訊據供莊天畏與該犯曾在梅子坑

內山同寮躲避隨即親帶丁役馳赴內山將莊

天畏拏獲臣等逐加研訊據黃天養供稱為莊

大田管種田畝從賊攻城一次於上年十一月

內聞大兵到畏懼逃避內山結寮居住本年四月內莊天畏尋到山寮一同藏匿八月間出外探聽消息遂卽被拏莊天畏供稱係莊大田幼子本年正月內與莊大田失散後逃入內山偷挖地瓜度日欲到台斗坑尋訪黃天養及族叔莊潭不知路徑途遇蕭然引帶前往在莊潭家潛住三日後聞四處查拏甚嚴將我送至黃天

養山寮藏匿旋卽被獲各等語現將該二犯派員解京莊潭蕭然將首逆之子窩留容隱照例擬斬立決奏入

上諭內閣曰柴大紀自到諸羅後惟怯畏葸每次奏報禦賊情形妄稱俘馘多口以掩其株守不前之罪卽義民兵丁緝獲匪犯亦俱稱臨陣生擒飾詞入告種種詐妄不實已出情理之外茲復查出許

懷等三十五名被兵民誤拏尚在羈禁候訊柴大
紀先已開單具奏混開正法七名戮屍七名及該
縣陳良翼訊明實係良民柴大紀必欲迴護原奏
按名正法爭報再三復令該縣扶同捏報始准釋
放是柴大紀妄奏冒功朦混迴護幾令無辜良民
數十人陷於重辟情節尤爲可惡柴大紀已於前
案正法核其所犯貪詐之罪必須將伊子一併懲

治方蔽厥辜從前甘省冒賑案內因王亶望等贓
私狼藉拖累多人釀成巨案罪浮於法是以查明
伊等之子發往伊犁今柴大紀貽悞軍機失陷地
方又復挾詐欺罔拖陷無辜尤非王亶望等之止
於貪婪玩法者可比著將柴大紀之子查明發往
伊犁給與兵丁爲奴以示懲儆餘著該部核擬具

奏

上又諭內閣曰莊天畏係莊大田之子被大兵勦散
遁入內山據福康安具奏訊問拏獲匪犯等雖供
稱業被生番殺死所供究不足信仍應交該地方
文武通行嚴緝以淨根株其黃天養一犯係爲莊
大田管種田畝之犯亦應一併飭拏務獲今徐嗣
曾督飭各屬嚴密查拏楊廷理錢受椿俱能認真
緝捕跟究踪跡將要犯按名拏獲實屬可嘉徐嗣

曾楊廷理錢受椿均著交部從優議敘至莊天畏
黃天養二犯卽著該撫派委妥員小心解京審辦
莊潭蕭然膽敢容留逆屬卽與黨惡無異應如該
撫所擬卽行處斬以示懲創

十一月十二日

庚子

徐嗣曾奏言淡水橫山封禁

之後恐該處仍有私行偷採及官吏等庇縱透

漏情事

臣

嚴飭文武員弁選撥兵役隨時巡緝

查拏茲據署淡水都司林登雲巡查海口在八里岔見有船隻寄泊形跡可疑卽帶領兵役飛往擒拏獲犯紀品歐冬林評陳里四名驗明該船並無牌照搜出硫磺五百餘斤私鹽三十餘擔訊據供稱船內磺斤係將私鹽與在地民人換得等語臣以磺山現當封禁乃該處民人膽敢勾通偷載私鹽船隻換給硫磺至五百餘斤

之多顯有私採透漏情弊且恐不止此一船一

次必須將換賣磺斤之犯拏獲徹底根究隨批

飭嚴拏復據訪獲王義一名歸案審訊俟解犯

到日審明從重定擬至大兵勦匪時奪獲賊械

及義民所用軍器經福康安及臣節次追繳現

據臺灣府冊報已收過大小砲四百六十二位

鳥鎗八百六十四桿刀矛鈎串等項三萬五千

一百五十五件_臣移知總兵普吉保查明遺失軍械件數於收繳各項內揀選撥補有損壞者量爲修整以省製造糜費其器械不合營製者槩行改鑄農器按照該民等所繳件數之多寡分別給賞_臣再行嚴飭實力查追務期繳銷淨盡使民間無敢私藏軍器得歸實用以肅營務而安海疆至現屆農隙之時各處應建工程正

可趕緊辦理查前奏府治城垣近海西面一帶有碍工程之處應遷移舖戶民居約千餘間茲_臣細加相度尚可省折民房數百間於城工丈尺亦並無增減已傳齊該商民等諭令遷移每間給子工費銀三兩該商民不致失所甚爲踴躍趨事月內即可興工建築再據署臺灣府徐夢麟稟稱該員於淡水同知任內會同將弁等

帶領兵民分路勦禦賊匪與營員熟商須添造
 火器以資戰守該員自行捐貲收買民間農具
 廢鉄鑄成九節砲二百四十位到處用以轟擊
 甚為得力除損失外現在尚存砲二百二十三
 位俱屬整固已移交後任收庫留為捍衛地方
 等情查砲位為營中利器臺灣各沿海口岸及
 城郭汛地俱應相度形勢添設砲位以資守禦

上命現有官兵義民繳存砲四百六十二位合之該
 府捐造之砲共六百八十五位擇其堅固厚重
 試放堪用者安設各處計已有盈無絀餘剩砲
 位分撥各廳縣妥為收貯每年會同營員演洗
 一次以免銹廢逐任造冊交代毋許遺失於防
 範海疆要區更為周密奏入報

聞 十三日 奉 諭旨 會奏 旨 欽此

閏 十三日 辛丑 徐嗣曾奏言續獲匪犯黃俊黃代胡

噴莊開陳轎蔡松饒小川陳露余軍等九犯嚴

鞫均係賊中股頭並無受封偽職或從賊攻城

打仗或殺害官兵義民據各供認不諱法無可

寬 臣 於審明後卽行正法照謀叛例查拏各犯

家屬分別緣坐奏入

上命軍機大臣傳諭福康安俟嗣曾日徐嗣曾節次

奏到各摺俱係單銜該處道員乃係巡撫所轄萬

鍾傑雖已到任自不便與巡撫聯銜奏事至普吉

保係總兵大員一切事務皆應幫同巡撫辦理乃

總未見其與徐嗣曾聯銜奏事可見其不能振作

有為若竟令其在彼專辦一切殊難勝任現在萬

鍾傑已抵臺灣該員以臬司辦理臺灣道事有奏

事之責將來徐嗣曾內渡後所有應奏事件俱當

令鎮道會銜具奏以重責成至魏大斌前因帶兵
 救援嘉義縣不能殺賊解圍降旨革職後以其隨
 同打仗尚為出力復加恩以遊擊補用今於緝捕
 洋盜能率領兵役上船拏獲尚屬奮勉著傳諭福
 康安遇有該處叅將缺出即以魏大斌題補以示
 獎勵

上奏歷十一年日記

上命軍機大臣傳諭福康安曰上年福康安前赴臺
 灣特賞給右旋白螺帶往是以渡洋迅速風靜波
 恬咸臻穩順今思閩省總督將軍巡撫提督等每
 年應輪往臺灣巡查一次來往重洋均資靈佑特
 將班禪額爾德尼所進右旋白螺發交福康安於
 督署潔淨處敬謹供奉每年督撫將軍提督等不
 拘何員赴臺灣時即令帶往渡海俾資護佑俟差

金定云定臺灣總督卷之二十五
三
竣內渡仍繳回督署供奉至前往巡查大臣亦不
必因有白螺冒險輕涉總視風色順利時再行放
洋以期平穩

十一月二十五日

癸未

徐嗣曾奏言戍兵曾忠良

一名於上年八月內赴援鹿仔草被賊衝散潰

逃在各處打柴割草度日經守備吳大瑞拏獲

又戴得生一名於五十年十二月內避賊逃匿

各處替人肩挑度活經營兵葉廷輝拏解又陳

明璉林長永鄭廷瑞三名各在嘉義彰化等處

防守當逆匪猖獗之時被賊拏去脅令守營煮

飯等事至上年十二月賊匪逃散後赴鹿仔港

軍營投到又顏畧一名於彰化失守逃匿各處

偷掘地瓜度日至上年八月內赴營投首又征

兵林振萬一名於上年九月間因該管官給發

餉銀令其換錢買物途中遺失銀兩不敢回營
在野地草寮內躲匿至十月內遇見素識之義
民引帶投回以上各犯由臺灣道府等陸續審
擬招解查會忠良戴得生二名遇賊匪怯潰逃
雖嚴加刑訊並無從賊情事但當蕩平日久尚
不悔罪投出情殊可惡陳明璉林長永鄭廷瑞
三名久陷賊中甘爲役使至逆匪將次撲滅之

時始行投出法難寬貸均未便稍稍顯戮審明
後卽已按名正法顏畧林振萬二名逃後並未
從賊在軍務未竣以前自行投首均應發伊犁
等處給種地兵丁爲奴其餘未獲潰兵仍嚴飭
各地方文武及海口員弁認真緝稽察並出
示曉諭村莊百姓毋得縱隱容留致干重罪俟
有續獲及投出之犯再行分別嚴辦再查逆案

內賊目股頭除臨陣痛加殲戮及蕩平後節次
生獲正法外復經福康安及_臣於南北各路四
處訪查餘匪姓名開列名單通飭各屬嚴拏隨
獲隨辦惟是臺灣刁悍成風民多健訟或不肖
兵役藉端訛詐或閩粵漳泉之人挾嫌誣捏動
輒以緝匪爲名訐爭不已甚至羅織多人株控
無辜_臣於審訊時俱經細查虛實遇犯嚴懲斷

不因防有弊端轉致懈於緝匪但思蕩平已久
未便以漫無區別紛紛海捕遷延時日致閭閻
或有擾累查從前所訪匪犯名單非得受僞職
之賊目卽糾約多人之股頭自係著名黨惡與
被賊脅從者不同核計已獲者十之七八其餘
未獲之犯八十餘名雖據獲到各犯供稱或被
官兵生番殲戮或業經病故但賊夥供詞狡獪

金匱要略卷之六十五
斷難憑信未經生獲仍當按名查拏審明嚴辦
務絕根株使惡黨不留餘孽臣現在飭行各屬
並出示曉諭兵役義民人等此後查辦餘匪總
以單內所開爲憑勒限上緊嚴緝酌予勸懲毋
使一名漏網此外槩不得搜拏以杜訐告而息
紛擾則逆案可期速結要犯亦不致倖逃再上
年冬間遭風擊破船十七號除林合順等齎遞

公文外其餘十三船係裝載軍米內蔡球琳

等六船有搶出撈起米石並淹斃水手自鬻可

與信其會長鑑等七船船米俱失亦委係遭風失

艙米並非捏飾是該船等委因猝遇颶風人力難

官施致遭沉失實屬可信所有共沉失軍米三千

艙六百七十餘石可否准予豁免奏入

上命內閣曰海洋風信不常船隻破溺在所不免且

運送軍米事屬因公今既據該撫查明實因猝遇
颶風人力難施致遭沉失淹斃多人殊堪憫惻所
有各船內淹斃水手兵丁著該督等查明照例賞
卹其沉失軍米三千六百七十餘石俱著全行豁
免以示軫恤

上又命軍機大臣傳諭徐嗣曾奎林萬鍾傑曰向來
臺灣一切案件有應歸總兵辦理者有應歸道員

辦理者事權分隸文武衙門或致日久互相推諉
將來徐嗣曾內渡後所有臺灣應辦事件俱著責
成奎林萬鍾傑二人會同辦理如有應行具奏者
卽著聯銜具奏不得岐分文武彼此諉卸奎林萬
鍾傑惟當加意整頓會商妥辦遇有案件從嚴辦
理庶奸宄咸知斂跡地方益臻寧謐

十二月初二日

巳丑

圖薩布奏言拏獲天地會匪

犯陳丕訊供究出傳會之僧人提喜籍隸福建

漳浦縣住在高溪鄉觀音亭又同會之陳彪住

在平和縣雲寮鄉趙明德住在漳浦縣雲霄城

北門內倉邊巷已飛咨閩省嚴拏務獲現將陳

丕確審定擬奏入會同緝匪收首賊以具奏

上命軍機大臣傳諭福康安曰天地會匪前經福康

安拏獲嚴烟時即供有傳會之僧人及陳丕陳彪

趙明德等犯茲據粵省拏獲陳丕一犯究出僧人

提喜陳彪趙明德各犯住址下落均在閩省漳浦

平和縣地方務當按名拏獲正法以絕根株計此

旨到時福康安自早已抵任著傳諭福康安即督

飭所屬按照該犯住址嚴密查拏務獲毋令聞風

逃竄

十二月初八日 乙未 徐嗣曾奎林同奏言查明叛

產入官酌定一切章程會匪犯名下查出田園
應核實徵租以杜隱射也查臺地抄封田產舊
案每甲報徵租數止於六石或八石不等惟此
案賊產與尋常犯產迥不相同緣臺灣業戶開
墾田園召佃承種即將所費工本收回各犁頭
錢每甲得銀一二百兩每歲止抽分租六石至
八石不等又有佃戶自行開墾者因村黎未諳

科則倩城市殷實之家充當業戶代為經理納
糧亦祇抽給租數石名為田面租其佃戶承耕
之後又覓僱工人代耕牛犁籽種悉係工人自
備佃戶與分租息每年每甲可得數十石名為
田底租此業戶得租數少佃戶得租數多其田
雖係業戶出名而實歸佃戶承管也從前抄封
案內如翁雲寬楊光勳等俱係業戶犯事與佃

戶本無干涉是以每年止徵業租並未查及佃
產今查此案逆匪糾聚佃戶從賊者多業戶從
賊者少業戶從賊如陳泮蔡綱之類其佃戶無
有不從賊者固應一例查抄至於佃戶從賊其
業戶雖未從賊而不能約束舉報已難辭咎且
業戶前已得交犁頭錢卽與賣業無異今佃產
既有入官更未便於官租之內轉行抽給業戶

此案除雇工人作賊其產本非所管應免查抄

外如業戶佃戶從賊則其產槩當入官若僅照

舊案辦理但有業租而無佃租但論其田面而

不及田底適爲蠹胥等中飽舞弊臣已徹底查

明是以此案議租加逾數倍度公項不致隱漏

而匪案亦足昭懲儆一查核田園歲收租額應

分別各路情形以定等次也查彰化淡水田皆

近溪一年兩熟約計每田一甲可產穀四五十石至七八十石不等豐稔之年上田有收至百餘石者旱園較水田次之嘉義鳳山田園距溪較遠聞有單收者較彰淡次之臺邑沙地居多多係單季收成較嘉鳳又次之此各路田園歲收不同也所有入官叛產招募殷戶佃種完納官租應確勘田園之肥瘠分別上中下三等以

上歲收利額除酌給佃戶租穀撥貼牛具籽種

及每年修理田圳工本外淡水彰化二處每甲

上等田可收官租穀三十二石中等田可收穀

二十六石下等田可收穀二十石上等園如中

等田中等園如下等田下等園可收穀十八石

其零星荒埔最爲瘠薄者較下等園再折半徵

收嘉義鳳山兩縣較彰淡約可收官租穀十分

之九臺灣一縣較彰淡約可收官租穀十分之七臣等細加體察別肥磽之等酌豐歉之中以爲定額總使細民工本之外歲有贏餘現在採訪輿情已多踴躍應募期於承種官田可垂永久一田園既有等次不待援照賦則率以下等園地納租也臺地報懇陞科於乾隆九年欽奉上諭照同安則例分上中下則檢查數十年來民間

報陞率係下則並無以上中陞科者竊思臺灣

生齒日繁土田日闕疊奉

恩旨蠲租薄賦此時固不值以叛產一事將全郡民田賦則紛紛查勘改增但現在田園既經查明內有上中等則未便任其以舊定賦額本係下則爲詞致使人官叛產與民間賦額同科且使膏腴之產與瘠薄竟無區別則實在瘠薄者轉

見偏枯不足以昭平允現飭該道府等詳加確
核務使等則分明據實區別倘地方官不行查
實或致吏胥高下其手立即嚴揭請叅從重究
辦一歲入官租除扣出應完正賦仍徵本色外
恩計其餘租應令徵收折色以杜弊而便民也地方
官徵納租糧辦理不善弊竇叢生最爲閭閻之
害臺灣吏治廢弛雖大加懲創之後現在各廳

縣尙知儆惕但恐日久玩生難保無指勒浮收
情弊此案完納官租穀數較多此時立法之初
必須通盤籌畫永絕弊端臣等詳查此等叛產

多在近山距縣城數十百里不等每戶完納租
穀數十石至數百石不等若令各完本色肩挑
車運費用頗增且民租就田分收俱係鄉斗毛
穀較之官斗交倉必須乾圓潔淨者不同又園

地之中率皆種植地瓜甘蔗雜糧等項民租向
係折交業戶今若槩令買穀完納佃力似恐難
支查此項租息加貼戍兵本須支給銀兩若令
糶穀易銀輾轉出入徒滋侵扣虧挪之弊此官
租徵粟不如折色徵銀之爲使也臺灣舊例充
公田園及莊息護租變價報銷案內每穀一石
變銀六錢及六錢二分五分不等照依時價未

天恩免歲有參差所有此案折色應照閩省部定穀

價每石折銀七錢以歸畫一一官租折色銀兩

應酌充貼補戍兵之用也臺灣換防兵丁前奉

恩旨令將入官叛產酌量撥給幫貼茲又經軍機大

臣奏准照新疆換防之例議給行糧坐糧仰見

聖主軫念戎行有加無已至意竊思戍兵眷屬在內

恩亦地支領銀米貼補養贍已沐格外

恩施惟臺地食物昂貴恐該兵等本身用度尙有不
望主敷易滋貿易營私等弊茲所議增加銀兩應請
就臺地支給本身以資貼補查上年滿漢征兵
恩旨鹽菜口糧俱於常例外加給四錢現在臺灣各
項戍兵於每月應得錢糧外均請卽照四錢之
數按名加給該兵等得項更屬寬餘感激
天恩自必倍加奮勉通計臺屬兵丁每歲共需加給

銀六萬三千三百餘兩現據查出各路叛產已

有三萬三千八百餘畝除扣徵正供外餘租折

色約可收銀三萬二千二百兩此外有續行查出

者應再加入併算又從械鬪案內之翁雲寬

會匪案內之楊光勳等沙產前本議給熟番作

爲屯田現查該番等有埔地五千餘甲田面田

底俱歸承種每一名受田一甲可得穀三四十

石已屬寬餘足數分撥_臣等查出此項歲收租
息每年約可得穀三萬石可變價銀二萬三四
千兩應請一體歸入兵部項內如尙有不敷再
於臺灣府鹽埕項下查以溢額盈餘充補計戊
兵加貼所需有贏無絀可無庸另籌經費於便
民充公兩有裨益奏入_{欽此}

上從之

同日徐嗣曾奎林同奏言據按察使兼臺灣道
萬鍾傑詳稱乾隆五十二等年應行造補綬
字八號等三船又屆期應修平字六號等十八
船又收廠未修平字五號等十船共船三十
隻因值辦理軍務不能_完造迨蕩平後經永福
移交護道楊廷理亦因乏料尙未興工現在刻
限久逾卽當趕緊造竣以應營需惟查修造戰

船應需臺地樟木紅柴旋舵等料俱產南北兩路山場召匠蓋寮均需時日秋冬間在山採製各料須俟明年夏間溪漲發始能順流運至海口配船一時難於齊集至應需內地桅木龍骨油釘棕鐵等項均由各處採買運厦附搭商艘來臺近因臺灣初定商船到臺稀少內地料件不能迅運兼之現辦城垣營防各項工程需

用匠夫既多各路歸莊民人又須蓋屋以安棲止再四籌維應修造船三十一隻勢難同時趕辦請自明歲開工分作兩年修造報竣等情

臣等查臺澎各營額設船共八十一隻除應行修造三十一隻外現存營船五十隻足敷

操防於營務可無貽誤據該司所詳集料鳩工需候時日一時難以備辦均屬實在情形應請

准其分作兩年趕緊修造完竣交營收管再查
 臺灣向例凡徒流以上案件俱解送內地由司
 審轉核辦臣到臺以來臣釐積案卽就近提審
 辦理疊經奏蒙臣

聖鑒茲臣內渡後竊思臺地臣要案犯仍當立示懲
 創未便拘泥事例輾轉稽遲除一切尋常案件
 照例招解內地外如逆黨餘匪命盜重案以及

悍兵蠹役擾害地方情罪重大者應卽由臬司
 萬鍾傑會同鎮臣奎林一面審辦一面奏

聞又臣在臺時所辦題案業經臣審明定擬其各案
 內人犯亦毋庸再解臣應候部覆到日歸臬
 司分別辦理臣現爲臣憲治地方起見酌籌

變通如一二年後民俗大有轉移凡一應案件
 仍當照舊例解送內地審勘以歸畫一至臺郡

改建土城已於十月二十七日興工東南北三面均照舊址興修所有舊栽薊竹仍應留存環繞城垣並疏浚深壕以捍衛其近海西面一帶收進一百五十餘丈折動民房數百間已遷移東北隙地妥爲安插小民不致失所適奏調來臺之來陽縣知縣朱明亦已抵郡一切程式做法令其悉心經理與各委員等分段督辦

查郡城所用工料前經工部侍郎臣德成勘估

約需銀十二萬四千六十餘兩尚有細數估冊例應造具題報後興修但臺灣遠隔重洋未便

輾轉守候致稽時日臣卽令趕緊興工總

以德成所估之數爲限得稍資浮濫仍飭該

道府等核實確估造就細冊再行送部查核其召募民夫工價嚴飭該地方官留心稽察毋許

胥役等稍有侵漁科派致累間間並於每日例價三分之一外酌量寬爲賞給務使小民踴躍趨事工程鞏固至嘉義舊工城須增加高厚委員夫役等不能同時兼應俟郡城報竣後再行興築此外如彰化鳳山淡水等處城圍仍用荊竹栽插繞城加深濠添設石卡及各屬衙署學宮倉廩監獄等項工程並令朱明會同地

地方官逐一勘估興修另行造冊題報存查臺灣

自軍興至蕩平以後凡守城撫卹辦理軍需報銷以及查勘工程叛產等事在在需人委用臺屬地方各官不敷差遣以從前將軍等隨帶過臺及押送銀米各員廢員中情愿報効尚堪驅策之人多有留臺差委者又經福康安奏調丞倅等十六員來臺專辦撫卹事竣後另有

委用亦大半未經內渡

臣

現將報銷各案帶至

內地核辦除向在局中承辦之員酌帶數人回

省外其餘留臺差遣者 有二十餘員統俟城

工報銷等項俱行報竣 核其在臺之久暫勤

惰分別等第另行具奏 人報

聞

欽定平定臺灣紀畧卷六十五

